



UNIVERSITÄTS-
BIBLIOTHEK
PADERBORN

**Jacobi Sadoleti Card. Et Episcopi Carpentoractensis Viri
Disertissimi, Opera quæ exstant omnia**

Sadoleto, Jacopo

[Francofurti], 1607

X. Iac. Sadoletvs Cardinalis Gvlielmo Duci Bauariæ S.P.D.

[urn:nbn:de:hbz:466:1-69244](https://nbn-resolving.org/urn:nbn:de:hbz:466:1-69244)

X.

IAC. SADOLETVS CARDINALIS GV-
lielmo Duci Bauaria S. P. D.

CUM ab Carpentoractensi Ecclesia mea Romam rediissem
 Pontificis maximi iussu non modò euocatus, verum etiam
 compellus, nihil habui antiquius, quàm vt ad te literas darem:
 per quas testarer, illum ipsum amorem, illam insignem beneuo-
 lentiam simul & obseruantiam, qua te & fratrem tuum clarissi-
 mum virum, vniuersamque domum & familiam vestram semel
 sum, non casu, nec fortuitò, sed propter maximas virtutes, ve-
 straq; in Christianam Rempub. egregia merita complexus: ma-
 nere & perleuerare eandem, nec ob meæ absentia diuturnitatem
 quicquam tibi detrimenti, aut diminutionis accidisse: meq; eo ef-
 fe animo, quo semper fui: vt vestro honori, commodo, dignitati,
 ornamentisque omnibus, incredibili animi studio sim addictus.
 Sic enim & summa virtus vestra nobilitasque meretur, & meæ
 constantia ratio postular, & tempora ipsa præcipuè requirunt:
 in quibus turbato statu orbis terrarum, diuinis humanisque le-
 gibus penitus contemptis atque reiectis, vestra imprimis pietas,
 & sapientia, tanquam in tenebris lumen elucet. Itaque ego, qui
 ob propinqua pericula quæ instant nobis Christiano atq; im-
 munit, dies noctesque assiduè sollicitor, nec vllam partem ca-
 pio quietis: vehementissimè equidem optarim habere Stoca-
 merum nostrum, aut alium quempiam tuorum, qui cum ea
 quæ me angunt & sollicitant, communicare tutò possem. Profe-
 cto enim si cæteris auxiliis, opibusque deficior, quas si haberem,
 libentissimè tibi deferrem: non omnino monita, consiliaque
 mea tibi aut ingrata essent interdum, aut inutilia. Sed tamen
 ita Stocamerum habere velim, si id quoque reliquis tuis ratio-
 nibus conducatur. Etenim scito, me grauitè angere, quòd video
 nos omnes in extremum iam ruere discrimen. Quando ista auxi-
 lia apparatusque Germania, qui feruntur, me quidem non con-
 solentur, sed perterreant. Quamobrem & quibus de causis, non
 est epistolæ committendum. Sed hæc hæcenus. Et quando iam
 Romæ, & apud Summum Pontificem sum, ita hic tibi operam,
 fidem, studium, benevolentiamque meam defero atque polli-
 ceor: vt tibi hoc esse persuasissimū velim, neminem te vnquam
 reperaturum esse, aut amantiorē tui, aut qui maiore stu-
 dio & diligentia tuis rebus deseruiat. Vale. Romæ,
 VI. Idus Maij, M. D. XLII.

IAC.